

"মিষ্টি বাচ্চারা :- বাবার সমান সাহসী হও, নিজের অবস্থার সাক্ষী থেকে সদা হর্ষিত থেকে, স্মরণে থাকলেই অন্ত মতি তেমন গতি হয়ে যাবে"

প্রশ্ন :- খুশীতে থাকা বাচ্চারা সর্বদা ফ্রেশ আর হর্ষিত থাকার জন্য কোন বিধিকে আপন করে নেয় ?

উত্তর :- দিনে দু'বার জ্ঞান স্নান করার । মানুষ সাধারণত ফ্রেশ থাকার জন্য দু'বার স্নান করে । বাচ্চারা, তোমাদেরও জ্ঞান স্নান দু'বার করা উচিত । এতে অনেক লাভ --- ১) সদা হর্ষিত থাকবে । ২) খুশীর এবং সৌভাগ্যের অধিকারী হবে । ৩) যে কোনো প্রকারের সংশয় দূর হয়ে যাবে । ৪) মায়াবী লোকের সঙ্গে থেকে রক্ষা পাবে । ৫) বাবা এবং টিচার খুশী হবে । ৬) তোমরা ফুলে পরিণত হবে এবং অপার খুশীতে থাকবে ।

গীত :- জাগো সজনীরা জাগো

ওম শান্তি । শিববাবা, ব্রহ্মা মুখের দ্বারা বাচ্চাদের বসে বোঝান । এ হলো গো মুখ । ষাঁড়ের মুখ হলো নন্দীগণ । তোমরা গানও শুনেছো । সাজন বা প্রিয়তম তাঁর সজনীদের বলে, এখন সজনী তো কেবলমাত্র মেয়েরা নয়, এই পুরুষরাও সজনী । যারা ভক্তি করে, ভগবানকে স্মরণ করে, তারাই সজনী । সাজন তো একজন । সাধুরাও সাধনা করে ভগবানের সঙ্গে মিলিত হওয়ার জন্য । তাহলে তারাও ভগবানের সজনীই হলো । সেই এক ভগবান কে ? সেই এক তো গড ফাদারকেই বলা হবে । যেমন বর রাজাকে আসতে হয় তার স্ত্রীকে নিয়ে যাবার জন্য । এরা সমস্তই হলো স্ত্রী । তারা সাজনকে স্মরণ করে, তাই তাঁকে অবশ্যই আসতে হয় । কেবলমাত্র একজনের জন্য নয়, সকলের জন্যই আসতে হয় আর এখন সব সজনীরাই দুঃখী । কোনো না কোনো রোগ, অসুখ ইত্যাদি অবশ্যই হবে । তাহলে এ তো নরক হয়ে গেলো । স্বর্গে থাকে সুখ আর নরকে থাকে দুঃখ । এই সময় আমরা সবাই নরকবাসী সজনী অর্থাৎ সকলেই মায়ী রাবণের শৃঙ্খলে আবদ্ধ । বেহদের বাবা তো বেহদের কথাই বোঝাবেন । সমস্ত দুনিয়া এখন কারাগারে, একেই দুঃখধাম বলা হয় । ধাম অর্থাৎ থাকার জায়গা । কলিযুগে থাকে দুঃখ । সত্যযুগে থাকে সুখ । দৈবী সম্প্রদায় আর আসুরী সম্প্রদায় -- এ হলো গীতার ভগবান শিবের মহাবাক্য । তিনি স্বয়ং বলেন --- সজনীরা, এখন তো নবযুগ এলো । এই তো পুরানো দুনিয়া । সাজন বলে, এখন তোমরা জাগো । এখন নতুন যুগ অর্থাৎ সত্যযুগ আসবে । এই গীতার মাধ্যমেই স্বর্গ স্থাপন করা হয়েছিলো । গীতা হলো ভারতের দেবী - দেবতা ধর্মের শাস্ত্র, যেই দেবতা ধর্ম এখন প্রায় অবলুপ্ত হয়েছে । প্রায়, অর্থাৎ আটায় নুনের তুল্য রয়েছে । চিত্র তো আছে, কিন্তু নিজেদের কেউই আর দেবতা মানে না । এই কথা তারা ভুলে গেছে যে সত্যযুগে দেবী - দেবতা ধর্ম ছিলো, যাকে স্বর্গ বলা হয় । যখন আবার লক্ষ্মী - নারায়ণের রাজ্য হবে তখন তারা এমন বলবে না যে এখন হলো স্বর্গ । তাহলে তো এও বুঝতে পারবে যে নরকও হতে হবে । এই সমস্ত রহস্য আমরা এখন জানি । পাঁচ হাজার বছর পূর্বে স্বর্গ ছিলো, এখন হলো নরক । দেবী - দেবতা ধর্মের পা এখন ভেঙ্গে গেছে । এই কথা, আর যারা গীতা শোনায়, তারা বলতে পারবে না । গীতা হলো সর্ব শাস্ত্রের শিরোমণি । গীতার ভগবানই গীতার দ্বারা ভারতকে স্বর্গ বানান । এরপর অর্ধেক কল্প সেখানে গীতার দরকার হবে না । সেখানে তো প্রালম্ব ভোগ করবে । বাবা নিজেই বলেন, এই

জ্ঞান প্রায় লোপ হয়ে যাবে। এখনো তো লুপ্ত আছে। আমি রোজই নতুন নতুন কথা শোনাই। ওরা তো ১৮ অধ্যায় শুনে এসেছে। তাকে কে নতুন বলবে? সম্পূর্ণ ১৮ অধ্যায় লিখে দিয়েছে। এখানে তো আমরা পড়তেই থাকি। যোগও লাগাতে থাকি। এতেও সময় লেগে যায়।

জ্ঞান আর যোগ, এই দুই হলো ভাই - বোন। বাবা বলেন যে, ধ্যানের থেকে জ্ঞান শ্রেষ্ঠ কেননা, এর দ্বারাই তোমরা জীবনমুক্তি পাবে। এমন কেউ বলতে পারবে না যে, আমাদের সাক্ষাৎকার হলেই তারপর আমরা পুরুষার্থ করবো। সামনে তোমরা কৃষ্ণের চিত্র দেখছো, এমনই প্রিন্স - প্রিন্সেস হবে, না হলে যা চাও তাই হও। তোমরা প্রিন্স - প্রিন্সেস হও, এ কথা তো মানতে হবে, তাই না। এখন নবযুগ আসছে। যেখানে জয় থাকবে, সেখানেই তোমরা প্রিন্স - প্রিন্সেস হয়ে জন্ম নেবে। রত্নজড়িত মুরলীও থাকবে - এ হলো নিদর্শন। কৃষ্ণের হাতেও মুরলী দেখানো হয় কেননা তিনি তো শাহাজাদা। বাকি সেখানে জ্ঞানের কোনো কথা থাকবে না। জ্ঞানের সাগর তো একমাত্র শিব বাবা। সেই বাবা বলেন, বাচ্চারা বিনাশ সামনে দাঁড়িয়ে আছে। এরপরে মন্ত্র দেওয়ার মতো কেউ থাকবে না। অন্ত মতি, তেমন গতি -- এই গায়ন তো আছে, তাই না। অন্তিম সময়ে আমার স্মরণ রাখলে গতি হয়ে যাবে। তোমরা আজ - কাল করে করে আসছো। দু চারটে উদাহরণ দেখাবো যে কিভাবে আচমকা মানুষের মৃত্যু হয়। সেই সময় মন্ত্র তো স্মরণ করতে পারবে না। মনে করো, আচমকা ছাদ ভেঙ্গে পড়লো, সেই সময় কি স্মরণ করতে পারবে? ভূমিকম্প হলে তো হায় হায় করতে থাকবে। দীর্ঘদিনের অভ্যাস থাকলে সেই সময় অবস্থার পরিবর্তন হবে না। সাক্ষী হয়ে, হাসিমুখে বসে থাকবে। মানুষ তো অল্প আওয়াজেই ভয় পেয়ে পালিয়ে যাবে। তোমরা কোথাও পালিয়ে যাবে না। ভয়ের কোনো কথাই নেই। বাবা যেমন নির্ভয়, বাচ্চাদেরও তেমন নির্ভয় হতে হবে।

বাবা বলছেন, বাচ্চারা, এখন নবযুগ আসছে। এখন নিজেদের ইনসিওর করো। সমস্ত ভারতকে তোমরা ইনসিওর করো। বাবার থেকে শক্তি নিয়ে তোমরা ভারতকে ইনসিওর করছো। এই ভারত হীরে তুল্য হয়ে যাবে। এরপর এতেইও যে যেমন নিজের জীবনকে ইনসিওর করবে। তন, মন, ধন সবই ইনসিওর হয়ে যায়। বাবা বলেন যে, এই জ্ঞান প্রত্যক্ষ ফল দেয়। যেমন সুদামার উদাহরণ, দ্রুত মহল তৈরী হয়ে গিয়েছিলো, দেখো। তাহলে তো এ প্রত্যক্ষ ফলই হলো। তোমরা প্রিন্স - প্রিন্সেসেরও সাক্ষাৎকার করো। এই প্রিন্স প্রিন্সেস তো সত্যযুগেও আছে আবার ত্রেতাতেও আছে। এ কথা খোড়াই বুঝতে পারবে যে, আমরা কোথাকার প্রিন্স হবো। সবাই তো আর সূর্যবংশী হতে পারবে না। এ সবই হলো সাক্ষাৎকার। বাকি আত্মা শরীর ছেড়ে অন্য কোথাও চলে যায় না। এই সাক্ষাৎকারও এই নাটকেই লিপিবদ্ধ আছে। আত্মাকে ডাকলে আত্মা খোড়াই শরীর থেকে বের হয়ে যায়। তখন তো সেই শরীর আর থাকবে না। এ সবই হলো সাক্ষাৎকার। বাবা ভিন্ন ভিন্ন রূপে সাক্ষাৎকার করান। এ সমস্তই লিপিবদ্ধ আছে, তাই তো আত্মাকে আসতে হয়, এই ডামার রহস্য বুঝতে হবে। এ তো নতুন কথা, তাই না। তাই ক্লাসেও রোজ আসতে হবে। তোমরা জানো যে অনেক মানুষই দুবার স্নান করে ফ্রেশ থাকার জন্য। এই জ্ঞান স্নানও দুবার করলে ফ্রেশ হয়ে যাবে। দুবার জ্ঞান স্নান করলে অনেক লাভ। না হলে তোমরা ফোকটে এই রাজধানী হারিয়ে ফেলবে। বাবা রেজিস্টার দেখেও পরীক্ষা করেন। সম্পূর্ণ ভাগ্যবান কে? আরে, বেহদের বাবার থেকে অথৈ ধন নিতে যাচ্ছে, স্বর্গের মালিক হতে যাচ্ছে তো প্রয়োজনে অনেক কষ্ট সহ্য করেও তো যেতে হবে। যদি এমন নিশ্চয়তা না থাকে, তাহলে উঁচু পদ পেতে পারবে না। দুবার জ্ঞান স্নান করলে তোমরা অনেক খুশী থাকবে। বাবা বলেন, আমি গাইড হয়ে বাচ্চারা, তোমাদের নিতে এসেছি। কতো ঘোরাই তোমাদের। ওরা তো এরোপ্লেনে ওপরে যায়। ওদের কতো মহিমা হয়। বাস্তবে মহিমা তো তোমাদের হওয়া উচিত।

তোমরা বৈকুণ্ঠে গিয়ে ঘুরে আসো । এ হলো খুবই আশ্চর্যের জিনিস । বাবা বলেন, আমি সবথেকে দূরদেশী, যে পরদেশে এসেছি । তাই এতে তো সর্বব্যাপীর কোনো কথাই নেই । তোমরা হলে পয়গম্বর, তোমরা তো খবর দাও । আমি তোমাদের পাঠাই । এও নাটকে লিপিবদ্ধ আছে । ড্রামা অনুসারে প্রত্যেকেই তাদের নিজেদের অভিনয় করতে আসতে হয় । এখন আমিও এসেছি, আমি এসে তোমাদের পড়াই । এ হলো গীতা পাঠশালা । দুনিয়ার সংসঙ্গে তো তোমরা জন্ম - জন্মান্তর ধরে যাও । এক কান দিয়ে শুনেছো, অন্য কান দিয়ে বের করে দিয়েছো । এম অবজেক্ট কিছুই নেই । এখন তো তোমাদের ভিতরে খুশীর চাবি বেজে চলেছে । স্টুডেন্ট লাইফে যারা ভালোভাবে পড়াশোনা করে, তারা তো খুশীতে থাকে । বাচ্চাদের সম্বন্ধেও খুশী থাকে । টিচারেরও খুশী হয় । ইনিও মা - বাবা এবং টিচার, তাই খুশী তো হয়ই । বাচ্চাদের দায়িত্ব পড়া । এখন বাবা যখন সামনে এসেছেন তখন সেই এক বাবার থেকে তোমরা শোনো । তোমরা অর্ধেক কল্প ধরে অনেক বিভ্রান্ত হয়েছো । এখন বিভ্রান্ত হওয়া বন্ধ করো, কিন্তু তাও তখনই সম্ভব যখন তোমরা সম্পূর্ণ নিশ্চিত হবে ।

মানুষ বলে যে কলিযুগের এতো বছর বাকি আছে । তোমরা যখন তাদের বলবে তখন তারা বলবে, এ সবই তোমাদের কল্পনা । এ হলো জাদু । অবলারা ওখানেই বসে যাবে । বাবা নিজের দিকে আকর্ষণ করেন, মায়াবী পুরুষ আবার নিজের দিকে টানতে থাকে । মাঝখানে ঝুলতে থাকে । বাবা বোঝান -- বাচ্চারা, যতক্ষণ না দুবার জ্ঞান স্নান করছো ততক্ষণ কিছুই লাভ হবে না । আরে, কোনো সময় মুরলীতে এমন কোনো পয়েন্ট বেরিয়ে আসবে যে তোমাদের সংশয় দূর হয়ে যাবে, আর কোনো সংসঙ্গে যাবার জন্য কেউ বারণ করে না । এখানের জন্য বারণ করে কারণ এখানে পবিত্র থাকারই মুখ্য বিষয় । স্ত্রী - পতি উভয়কেই পবিত্র হতে হবে । এখানে তো স্ত্রী তার পতির সঙ্গে সতী হয় কেননা পতি লোকে যাবে বলে । পতি যদি নরকে যায় তাহলে স্ত্রীও সেই নরকেই যায় । এখন তোমরা উভয়েই স্বর্গে যাবার জন্য পুরুষার্থ করো । অবলাদের উপরে তো কতো অত্যাচার হয় । বাচ্চারা বলবে, আমরা বিয়ে করবো না আর ওরা বলবে, বিয়ে অবশ্যই করতে হবে । বাবা বলেন - - বাচ্চারা এই অস্তিম জন্মে বিয়ে করলে মোহের জাল আরো বৃদ্ধি পাবে । পতির প্রতি মোহ, তারপর বাচ্চাদের প্রতি মোহ । বাবার ঘর, শ্বশুর ঘরের মোহ ----- আজ বাচ্চা জন্মালে পার্টি দেবে, কাল আবার বাচ্চা মারা গেলে হায় - হায় করে দোষারোপ দেবে । সত্যযুগে তো তোমরা খুবই সুখী থাকবে ।

বাবা বোঝান যে --- বাচ্চারা, প্রতি ঘরকে স্বর্গ বানাও । ছবি রেখে দাও । যেই আসুক না কেন, বলো, তোমরা কি স্বর্গের মালিক হবে ? এসো, আমরা বোঝাচ্ছি । বাবা খুব সুন্দর স্লোগান বানান । দুবার জ্ঞান স্নান করলে তোমরা খুব সুন্দর ফুলে পরিণত হবে । তোমাদের খুশী অপার থাকবে । বলা হয় ঈশ্বরের মহিমা অপরমঅপার । তাই তোমাদের খুশীর মহিমাও অপরমঅপার হয়ে যাবে । গীতার মহিমাও অপরমঅপার । তোমরা বলবে গীতার থেকে আমরা স্বর্গের মালিক হতে চলেছি ।

এক পরমাত্মা ছাড়া আর কেউই বলবে না যে -- জাগো সজনীরা জাগো, এখন সত্যযুগ আসছে । আমি শ্যামা তোমাদের জ্যোতি জ্বালাতে এসেছি । এই দাদাও এখন পুরুষার্থী । বাবা তোমাদের নতুন যুগের জন্য নতুন কাহিনী শোনাচ্ছেন । গান কতো সুন্দর । এই পথই হলো নতুন । ওরা বলে, শাস্ত্রেই ভগবানের পথ পাওয়া যাবে, তারপর আবার বলে দেয় সবই ঈশ্বর, তাঁরই সব মহিমা । আমরা তো এই দুনিয়াতে আনন্দ করতে এসেছি, যা কিছুই থাও - দাও আর মজা করো, আত্মার উপর কখনোই প্রলেপ লাগে না । নিজের মন্দ ত্রুটি পূরণ করার জন্য আত্মাকে নির্লেপ বলে দেয় । এমন মানুষের

সঙ্গে কখনোই ফেঁসে যেও না। তোমরা হলে হংস। বাবা বলেন, তোমাদের সম্পূর্ণ পবিত্র হতে হবে। বিকারে যাওয়া তো ক্রিমিনাল অ্যাসাল্ট। যদি এখন আমার কথা না শোনো, এখন যদি স্বচ্ছ না হও তাহলে ধর্মরাজের কাছে অনেক সাজা খেতে হবে। তোমরা মনে রেখো, ভগবান তোমাদের নতুন সংসার দেখিয়েছেন, তোমরা নতুন সংসারের মালিক হতে এসেছো তাহলে নিজের মনকে জিজ্ঞেস করো - আমি কি বাবার সত্ত্ব সন্তান না কি আসল সন্তান? শিববাবা হলেন দাদা, আর ব্রাহ্মা হলেন বাবা আর আমরা হলাম পৌত্র এবং পৌত্রী। এ হলো ঈশ্বরীয় কুটুম্ব। দাদাকে স্মরণ না করে বার্ষা কিভাবে নেবে? এই কারণে দাদাকে অবশ্যই স্মরণ করতে হবে। বাবা ছাড়া দাদা কিভাবে হবেন? দাদা আছেন, তোমরা পৌত্ররা আছো। মাঝে বাবা অবশ্যই আছেন। পৌত্রদের দাদার ওপর অধিকার আছে তাই বলা হয় তোমরা দাদার থেকে সম্পত্তি নিয়ে নাও। এ তো খুশীর কথা, তাই না।

আমরা শিব ভগবানের গীতার দ্বারা ভারতের ভাগ্য হীরেতুল্য করে তুলছি। এক গীতাই হীরেতুল্য করে দেয়। বাকি সব কড়িতুল্য বানায়। ভারতের ভাগ্যে একদম বাঁধন লেগে গেছে। এখন বাবা আবার ভারতের ভাগ্য জাগিয়ে তুলছেন। মানুষ গীতার ছোটো লকেট বানিয়েও গলায় পড়ে। কিন্তু তার মহত্ব কেউই জানে না। এখানকার নিয়ম খুব কড়া। অবশ্যই পবিত্র ব্রাহ্মণ হতে হবে। ঠগীরা কখনোই মাঝা - বাবা বলবে না। স্বচ্ছ হলেই নেশা চড়বে তোমাদের। হাফ কাস্টদের কখনোই নেশা চড়বে না। ভগবান ভারতের জন্য প্রায় পাগল যে তিনি ভারতকে হীরে তুল্য বানাবেন, তাহলে তিনি তো ভারতের প্রেমিকই হলেন। তিনি ভারতকে আবার উচ্চ বানান। প্রেমিক তার প্রেমিকার পিছনে তো পাগলই হয়। তাই ভারতবাসীদের পিছনে তিনি কতো পাগল। কতো দূর থেকে তিনি আসেন আর তিনি কতো বড় নিরহংকারী। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত।
রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) বেহদের বাবার থেকে অথৈ জ্ঞান - ধন নেওয়ার জন্য দু'বার জ্ঞান স্নান করতে হবে। এই ঈশ্বরীয় পড়াতে রেগুলার হতে হবে।

২) সম্পূর্ণ সত্য, পবিত্র ব্রাহ্মণ হতে হবে। বাবার সাহায্যকারীও হতে হবে। মন্দ তৃষ্ণা যাদের আছে, কখনোই তাদের সঙ্গ করবে না।

বরদান :- নিজের হর্ষিত চেহারার দ্বারা প্রভুর পছন্দে থেকে খুশীর সম্পদে সম্পন্ন হও

ব্রাহ্মণ হওয়ার সঙ্গে সঙ্গেই বাপদাদা সবাইকে খুশীর বৃহৎ সম্পদের দান করেছেন, এ হলো ব্রাহ্মণ জন্মের উপহার। বাপদাদা সমস্ত বাচ্চাদের সদা খুশীর চেহারা দেখতে চান। সদা হর্ষিত, আনন্দিত চেহারাই হলো প্রভু পছন্দ আর এমন চেহারা সকলেরই পছন্দের হয়। সদা খুশী থাকার জন্য এই গান গাইতে থাকো --- "যা পাওয়ার ছিলো তা পেয়ে গেছি।" আর কিই বা বাকি আছে। নেশার সঙ্গে বলা -- আমরা যদি খুশী না থাকি, তাহলে কে থাকবে?

স্লোগান :-- নিরাকারী, নিরহংকারী স্থিতিতে স্থিত হয়ে, বিশ্বকে যে আলোকিত করে, সে-ই হল চৈতন্য
দীপক ।